

USTAVNI SUD BiH Ukinut Zakon o zaštiti domaće proizvodnje

Poljoprivrednici ogorčeni na sudije, vlasti zadovoljne

Mladen Zirojević pozdravio odluku Ustavnog suda • Pejić najavio blokadu graničnih prijelaza

Ustavni sud BiH utvrdio je jučer da je Zakon o zaštiti domaće proizvodnje u okviru CEFTA-e neustavan i u cijelosti ga ukinuo. U saopćenju Suda navedeno je da je usvojena apelacija predsjedavajućeg Doma naroda Parlamenta BiH Ilije Filipovića i da je utvrđena povreda člana III/3 b) Ustava BiH.

Međunarodni sporazumi

Ispred zgrade Ustavnog suda u Sarajevu jučer se okupilo nekoliko stotina poljoprivrednika koji su zahtijevali da Zakon bude odobren. Nakon saopćavanja odluke, prisutnima se obratio predsjednik Udruženja poljoprivrednika

Prestanak važenja

Ustavni sud BiH ukinuo je u cijelosti sporni zakon u skladu sa članom 63. stav 2 Právila Ustavnog suda BiH. Zakon prestaje važiti narednog dana od dana objave odluke u „Službenom glasniku BiH“ - saopćeno je jučer iz Ustavnog suda, koji je 3. jula ove godine privremeno obustavio primjenu tzv. Lijanovićeovog zakona do donošenja konačne odluke.

BiH Miro Pejić, koji je ustvrdio da je „ova odluka apsurdna i kupljena, da su suci izlobirani te da je torba para ušla unutra“.

- Nažalost, to nisu suci koje možemo mijenjati svake godine. Oni su navodno doživotni suci. Moramo se nadati ili da neće dugo živjeti, ili što prije raditi na promjeni situacije i na promjeni tih is-



Sarajevo: Brojnim građanima dijeljeni krompir i ostali proizvodi (Foto: Reuters)

tih sudaca - izjavio je Pejić i najavio nove proteste pred resornim ministarstvima, blokadu graničnih prijelaza, fizičku blokadu ulaska robe.

Nezadovoljni poljoprivrednici jučer su, nakon što se protest završio, brojnim građanima dijelili žive piliće, krompir i druge poljoprivredne proizvode.

Za razliku od poljoprivrednika, ministar vanjske trgovine i ekonomskih odnosa BiH Mladen Zirojević pozdravio je jučer odluku Suda. Istakao je kako je BiH ovime „pokazala da ima snagu da dokaže međunarodnoj zajednici da je kadra poštovati međunarodne sporazume“.

- Ima mnogo nelogičnosti u ovom zakonu. Nesporno je da se njime krše CEFTA i Sporazum o sta-

bilizaciji i pridruživanju. Žao mi je onih ljudi koji su bili ispred Suda i koji su razočarani, ali je mnogo više domaćih proizvođača koji bi bili pogodeni primjenom ovog zakona - kazao je Zirojević za „Dnevni avaz“.

Podnosilac apelacije pred Ustavnim sudom Ilija Filipović, predsjedavajući Doma naroda Parlamenta BiH, izjavio je da ga raduje što Ustavni sud nije podlegao „nemilim pritiscima i što je prevladao razum“.

Sladunjav naziv

- Sud je odlučio da ova država ostane dosljedna i da ne krši međunarodne pravne akte koje je ratificirala - rekao je Filipović za naš list i dodao da je ovaj zakon bio veoma štetan za BiH, iako ima „sladunjav naziv“.

No, predsjednik Kluba Bošnjaka u Domu naroda BiH Hazim Rančić kazao je da je legalista i da će poštovati odluku Ustavnog suda. No, istakao je da je žalosno što „neki bh. zvaničnici ne rade u korist građana ove zemlje, nego svojom diskusijom, glasanjem, podnošenjem zahtjeva Ustavnom sudu, štite interese drugih država“.

G. MRKIĆ

Lijanović: Predložiti ćemo novi zakon

Predlagač spornog zakona, državni poslanik Jerko Ivanković Lijanović, kazao je jučer da ne može komentirati odluku, jer ne zna obrazloženje Suda.

- Mi ćemo u Parlamentu napraviti analizu odluke i obra-

zloženja Ustavnog suda, da vidimo u kojim dijelovima oni smatraju da je Zakon neustavan. Namjeravam da otklonimo primjedbe koje budu naveli i da idemo s novim zakonom u proceduru - naveo je Lijanović.